



Josip Skoko pao u akciji **SIPA-e** u Banjoj Luci

Preko firme 'opravo' 240.000 američkih dolara za kriminalce

SIPA izdala nalog za privremenu obustavu transakcije u iznosu od 407.918 KM na računu jednog pravnog lica

Josip Skoko (33) iz Bosanske Gradiške uhapšen je u akciji **SIPA-e** u Banjoj Luci zbog sumnje da je "opravo" 240.000 američkih dolara za potrebe kriminalaca iz inozemstva.

Kako saznajemo, Skoko je pao kada se spremao da podigne „prljavi“ novac s računa ne znajući da je **SIPA** sredstva već blokirala.

- Hapšenju je prethodila višemjesečna istraga - rekao je Luka Miladinović, portparol **SIPA-e**.

Miladinović pojašnjava da je u okviru ovog predmeta **SIPA** izdala nalog za privremenu obustavu transakcije u iznosu od 407.918,88 KM na računu jednog pravnog lica. **SIPA** je u Vidovdanskoj ulici u Bosanskoj Gradišci pre-



Hapšenju prethodila višemjesečna istraga

(Foto: ilustracija)

tresla stambene i pokretne stvari koje je koristio osumnjičeni Skoko. Oduzeta su 42 predmeta i to

poslovna dokumentacija, pečati i mobiteli.

Skoko je privođen i 2016. godine u akciji "Kolt" kao član kriminalne grupe osumnjičene da je u BiH uvozila bazna ulja na koja se ne plaćaju porez i akcize, a u koja su dodavali razne aditive i prodavali ih kao dizel-gorivo. Vjeruje se da je po jednoj uvezanoj cisterni grupa zarađivala oko 30.000 KM. U akciji je privođeno još 12 osoba.

Nezvanično saznajemo da je **SIPA** na ovoj akciji radila u saradnji s drugim policijskim agencijama. Sporni novac, za koji se sumnja da je opran, utvrđeno je, potječe iz krivičnih djela koja se odnose na finansijski kriminal.

O. Ma.